

永平府志卷之一

封域志一

朱子謂在地之位一定不易然屢經沿革則地是而名已非矣永平府在漢為右北平遼西兩郡地然兩郡所統三十縣今府廣袤不過十二三耳舊志咸據前史歷數之於義無當今推原其更變之由因上徵乎星宿災祥下考乎山川物產中及乎風俗盛衰皆必求其確鑿而無取乎冗繁庶按冊而稽者雖千里之外如在目前矧渤海之間為兩戒所總會拱衛

神京實為要地顧可言之而失實耶作封域志

永平府志

卷之一

封域

一

分野

周禮保章氏以星土辨九州之地所封之域皆有分星

以觀祲祥註星土星所主土也

周禮註析木燕也

周禮疏引春秋緯文耀鉤云冀州屬樞星

周禮總義析木燕之分星幽州之星土也

春秋元命苞尾散為幽州分為燕國

春秋說題辭箕尾為燕

爾雅析木謂之津箕斗之間漢津也

註箕龍尾斗南斗天漢之津梁疏云天河在箕斗二星之間箕在東方木位斗在北方水位分析木木隔河須津梁以渡故謂此次為析木之位

津

史記天官書箕尾幽州

正義云尾箕燕之分野為幽州

漢書天文志壬燕趙亥燕代

漢書律歷志箕尾為析木

劉向云幽燕箕尾之分

漢書地理志燕地尾箕分野也東有漁陽右北平遼西

遼東自危四度至斗六度謂之析木之次燕之分也

危當作尾以字形而誤

晉書天文志自尾十度至南斗十一度為析木於辰在

寅燕之分野屬幽州

費直周易析木起尾九度蔡邕月令章句析木起尾四度至斗

六漁陽入尾三度右北平入尾七度遼西東入尾十

永平府志

卷之一

分野

二

度又辰星曰北方冬木主燕趙

隋書地理志

與晉書天文志同

唐書天文志析木為雲漢末派山河極焉故其分野自

北河末派窮北紀之曲東北負海為析木負海者以

其雲漢之陰也 又曰尾箕析木津也初尾七度餘

二千七百五十秒二十一少中箕五度終南斗八度

自渤海九河之北得漢河間涿郡廣陽及上谷漁陽

右北平遼西遼東樂浪元菟古北燕孤竹無終之國

尾得雲漢之末派龜魚麗焉當九河之下流濱於渤

碣皆北紀之所窮

宋史天文志北斗七星五曰玉衡爲音主土其分爲燕
第八曰弼星在第七星右不見漢志主幽州 又曰

天市垣東蕃十一星三曰燕十六國十六宿在牛女

南近九坎各分土居列國之象楚南一星曰燕陶隱居曰

燕一星在楚南

遼史地理志野旅寅爲析木之津國語解曰野謂星野旅謂躔次寅者辰舍

東方之位

元史歷志太陽黃道尾三度九十七分七十二秒外入

燕分析木之次辰在寅

明史天文志尾三度至斗二度析木之次也永平府尾

永平府志

卷之一

分野

三

分灤州尾箕分

淮南鴻烈天文訓亥燕又甲戌燕也

星經辰星主幽州

帝王世紀自尾十度至斗七度百三十五分而終曰析

木之次於辰在寅謂之攝提格於律爲應鐘斗建在

亥今燕分野

明一統志永平府天文尾分野

地理通釋九州十二域或繫之北斗或繫之二十八宿

或繫之五星冀主樞此繫之北斗者也析木燕此繫

之二十八宿者也辰星主趙代此繫之五星者也

山堂索考尾箕星曰析木宮曰人馬時曰寅州曰幽
河間府志考疑唐法象志以兩戒分山河以斗爲綱以
雲漢爲紀箕尾爲地紀之窮居天之良而箕列天漢
有津梁之義亦曰天津下達於地以太華與終南爲
地絡渤海爲絡尾渤海負海居地之寅亦處津洳故
上應天津而占箕尾也

大清一統志永平府禹貢冀州之域尾分野

沿革

永平府唐爲冀州之域虞分冀州碣石以東接青州之
北爲營州夏仍爲冀州商爲孤竹國周屬幽州仍爲

永平府志

卷之一

沿革

四

孤竹國春秋晉滅肥肥子奔燕燕封於遼西乃爲肥
子國秦爲右北平遼西二郡地漢魏因之晉爲幽州

遼西郡後魏置平州治肥如城領遼西郡又分置北

平郡

畿輔志云漢末公孫度自稱平州牧取襄平爲
名在今遼陽州晉泰始十年置平州治昌黎在

口外舊大寧衛界後魏天賜四年以慕容
懿爲平州牧蓋自是始移平州於今府界後齊省遼
西郡入北平郡隋開皇初郡廢改爲平州大業初復

改州爲北平郡唐武德二年又改郡爲平州天寶初

仍改州爲北平郡乾元初復曰平州屬河北道後唐

同光初入於遼以平州爲遼興府分置灤州與營州

隸之號爲平州路屬南京道保大三年入於金爲平

州興平軍天輔七年以平州爲南京尋入於宋宣和
五年建泰寧軍尋仍入於金天會四年復爲平州置
興中軍節度貞祐三年僑置臨潢府四年入蒙古元
太祖十年改興平府中統元年陞平灤路置總管府
大德四年改永平路屬中書省明洪武初屬山東行
省二年置北平行省改爲平灤府按洪武九年始改
行中書省爲布政
使司畿輔志云明年改
隸北平布政司者誤也四年又改永平府永樂元年
罷北平布政使司以所領直隸北京行部十九年罷
北京行部直隸京師領州一縣五我

朝因之雍正三年又以順天府之玉田豐潤二縣屬焉

永平府志

卷之一

沿革

五

雍正十三年豐潤玉田改隸遵化乾隆二年改山海
衛爲臨榆縣乃領一州六縣

盧龍縣商孤竹國春秋爲肥子國漢置肥如縣屬燕國

武帝時屬遼西郡魏因之晉屬幽州遼西郡後魏於
此置平州仍爲遼西郡治北齊屬北平郡又廢遼西
郡並所領海陽縣入肥如隋開皇六年又省肥如入
新昌十八年改新昌曰盧龍唐初肥如屬北平郡郡
治臨渝武德二年改郡爲平州自臨渝移治肥如仍
改縣爲盧龍天寶二年又置盧龍軍遼屬平州遼興
軍宋宣和四年改縣名盧城五年遼將張毅據城降

宋尋爲金所取屬平州興平軍尋入宋屬泰寧軍尋又入金元屬永平路明屬永平府我

朝因之

灤州古孤竹國戰國屬燕漢置海陽縣屬遼西郡晉魏皆因之北齊省入肥如隋唐爲盧龍縣地後唐時入契丹隸遼興府始析置永安軍後又置義豐縣爲州治金仍曰灤州天輔七年置永平軍節度使屬中都路元屬平灤路大德六年改爲永平路明以州治義豐縣省入屬永平府我

朝因之

永平府志

卷之一

沿革

六

遷安縣商爲孤竹國周爲令支孤竹二國地後皆併於

燕秦爲離枝縣漢置令支縣屬遼西郡後漢及晉因

之後沒於鮮卑舊志按遼西郡當有令支史闕文也後魏省入陽樂按

書遼西郡縣同晉志其注陽樂下曰真君七年併令支合贊屬焉隋爲盧龍縣地屬

北平郡隋書注北齊省遼西郡并所領海陽縣入肥如開皇六年又省肥如入新昌十八年改名

盧龍按海陽之上當有陽樂亦闕文也唐仍爲盧龍縣屬平州遼以定

州安喜俘戶置安喜縣亦屬平州金大定七年改曰

遷安仍屬平州元至元二年省入盧龍後復置屬永

平路明屬永平府我

朝因之

撫寧縣商屬孤竹國周為幽州春秋屬山戎戰國屬燕

秦屬遼西漢為臨渝縣屬遼西郡縣志并廣輿記所載俱謂撫寧為漢

驪城縣考漢驪城并無渝水今渝河在縣東二十里漢書臨渝下注渝水應以省志臨渝縣為確漢

末分裂為公孫度所據烏桓鮮卑繼相侵奪三國屬

魏魏亡屬晉晉永嘉後慕容氏據之隋為盧龍縣地

屬北平郡通志言隋末復置臨渝縣未唐武德二年

始增置撫寧縣七年省撫寧貞觀十五年於故臨渝

縣置臨渝屬平州萬歲通天二年改曰石城在灤州

南三十里遼又徙置其南五十里以就鹽官金大定

二十九年以新安鎮置撫寧縣屬平州元至元二年

永平府志

卷之一

沿革

省入昌黎三年復置四年復省七年復置屬永平路

明屬永平府我

朝因之

昌黎縣古營州地商為孤竹國周屬幽州春秋為肥子

國秦屬遼西郡漢為繁縣驪城縣地後漢省入臨渝

晉以後為海陽縣地永嘉之亂一沒於石勒再沒於

慕容廆再沒於苻堅又沒於慕容垂後入於魏魏為

肥如縣隋為盧龍縣唐為石城縣省志載隋唐皆為盧龍縣地然唐石

城下載碣石山碣石為昌黎五代時沒入契丹置營

州鄰海軍并置縣曰廣寧金皇統二年廢營州以縣

屬平州大定二十九年改縣曰昌黎天興二年沒於元元至元二年省撫寧海山入昌黎三年復置撫寧四年又以撫寧海山入昌黎七年復置撫寧乃省昌黎海山人撫寧十二年復置昌黎以屬灤州并海山入焉尋屬永平路明屬永平府我

朝因之

〔樂亭縣〕商周爲孤竹國漢爲海陽縣屬遼西郡後漢爲樂安國晉爲樂安鎮魏爲樂安亭齊省遼西郡及海陽入肥如隋屬盧龍唐置馬城遼因之金置樂亭縣屬灤州元初於縣置溟州後仍爲樂亭縣屬平灤路又省石城縣入樂亭尋卽改入義豐省馬城入樂亭及灤州明屬永平府

國初與豐潤玉田並隸灤州雍正十三年豐玉改隸遵化而邑乃屬永平府

〔臨榆縣〕漢爲臨渝縣屬遼西郡自晉以後乃廢臨渝縣隋城渝關唐改石城縣臨渝關仍屬縣治一名臨閭關宋石城賜名臨閭遼遷歸州民爲遷民縣屬遷州金廢爲鎮元因其舊明洪武初始徙而東去舊關六十里曰山海關十四年設山海衛宣德五年遂以衛屬永平我

朝順治元年設衛撤關二年復關七年省撫寧衛入版
海衛乾隆二年改臨榆縣隸永平府

疆界

永平府 東西廣三百里 南北袤二百五十里 東
至山海關外遼東界一百八十里 西至鐵城坎豐
潤縣界一百三十里 南至樂亭縣綠溝海一百八
十里 北至遷安縣桃林口六十里 東南至昌黎
縣赤洋海一百里 東北至臨榆縣石門寨關一百
六十里 西南至豐潤縣越支場二百里 西北至
遷安喜峯口關二百三十里 東至遼東廣寧鎮七

永平府志

卷之一

疆界

九

百五十里 西至京師五百五十里

盧龍縣附郭 東西廣七十里 南北袤八十里 東

至雙望堡撫寧縣界三十五里 西至赤峯鋪遷安

縣界三十七里 南至劉各莊灤州界三十里 北

至劉家營遷安縣界五十里 東南至黑石里莊昌

黎縣界二十里 東北至燕河營撫寧縣界五十里

西南至康家莊灤州界二十五里 西北至分水

嶺遷安縣界二十里

灤州在府城西四十里 東西廣一百二十四里 南

北袤一百七十里 東至灤河五里與昌黎縣交界

西至鐵城坎一百二十里與豐潤縣交界 南至
海一百一十里無連界 北至小橫山營十二里與
盧龍縣界 東南至汀流河四十五里與樂亭縣界
東北至偏涼汀五里與盧龍縣界 西南至開平
九十里與豐潤縣界 西北至趙各莊三十里與遷
安縣界

遷安縣在府城西北四十五里 東西廣二百里 南
北袤七十五里 東至孤莊盧龍縣界三十里 西
至呂家莊豐潤縣界一百里 南至赤峯舖盧龍縣
界四十里至野雞坨灤州界三十五里 北至白羊

永平府志

卷之一

疆界

十

峪邊城六十里 東南至分水嶺盧龍縣界二十里
東北至劉家營盧龍縣界五十里 西南至乾河
草灤州界七十里 西北至喜峯口邊城百八十里
撫寧縣在府城東七十五里 東西廣九十五里 南
北袤九十里 東至深河堡臨榆縣界六十里 西
至雙望堡盧龍縣界三十五里 南至池家莊昌黎
縣界二十五里 北至界嶺口關七十里 東南至
戴家河大海四十里至秦皇島七十里 東北至黃
土嶺關一百二十里 西南至兩家店昌黎縣界五
十里 西北至燕河營盧龍縣界五十里

昌黎縣在府城東南八十里 東西廣九十里 南北袤一百二十里 東至段家店與撫寧縣界二十里 西至樊各莊與灤州界七十里 南至王家樓與樂亭縣界七十里 北至張各莊與撫寧縣界二十里 東南至團林七里海三十里隔沙坨卽大海 東北至小林莊撫寧縣界二十里 西南至西莊灤河沿與灤州界七十里 西北至兩家店撫寧縣界三十五里

樂亭縣在府南迤東一百二十里 東西廣五十五里 南北袤七十五里 東至黃瓜堡昌黎縣界三十里

里 西至高各莊灤州界三十里 南至海四十五里 北至姚家新莊昌黎縣界三十里 東南至沙崖莊昌黎縣界四十里至海岸四十五里 東北至浮羅坨昌黎縣界十三里 西南至新寨艾太莊灤州界三十里至海岸四十五里 西北至沙鋪灤州界三十里至灤州七十里

榆縣在府城東一百七十里 東西廣七十里 南北袤二百三十里 東至關外紅塔寧遠州界十里 西至深河撫寧縣界六十里

海十里 北至義院口關七十里自義院口至

羊山嶺塔子溝界一百五十里 東南至海十里

馮南至戴家河撫寧縣界七十里 東北至條子邊

蒙古界七十里 西北至碼磔嶺撫寧縣界七十里

形勝

永平府連接邊郡隋書地理志負山帶河四塞險固文獻通考肥

水之西洞山之北赤山之東方山之南四塞險固實

東北之雄邦地志碣石之依長城之枕護燕薊為京

師屏翰擁雄關為遼左咽喉畿輔通志

灤州灤水龍翔巖山虎踞州志灤為畿輔名郡橫山如游

龍亘其北巖山如天馬峙於南溟河由東北曲折而

永平府志 卷之一 形勝 三

來襟帶於左別故河乾地歷城西轉南而合流山川

拱抱鍾秀頗多

盧龍縣平州有盧龍鎮山如龍形元和郡縣志負關阻塞襟

漆帶灤陽山首昂於東南桃燕尾蟠於西北縣志

遷安縣左環分水右據尖山灤水經其南塞垣倚其北

王永命修 縣城記

撫寧縣北密邇邊徼東控扼山海為遼陽襟喉彭時新城記

橫山龍抱於東兔峰虎踞於西洋河天塹於南界嶺

雲連於北縣志

昌黎縣北背碣石南臨滄海左控榆關右帶灤水遼

之勝地也王整修城池記

樂亭縣背繞羣山面臨滄海左望碣石右帶灤河府志地

勢原衍胎甲隱隆過卸委折二河夾送俯臨綠洋絕

島隄洲平疇綠野鄰邑稱美焉灤州志負山對海夾以

兩河縣志後背羣山前阻大海可謂冀北之神臯燕東

之天府縣舊志

臨榆縣峭壁洪濤聳滙南北束若甕牖

山川上

平山在府城中以其與南臺山平故名山巔為提督學

政行署自東北迤南為府治

南臺山一名印山在府城南三里左為陽山右為孤山

南臺中峙形如印上有開元寺郡人遊宴之所寺中

有井下通灤河今涇

烟墩山城西南十里

大牛山城東北三十里

芝蘇山城東南十五里

陽山距城十五里首山之陽也山多谿谷古陽樂縣在

焉與撫寧縣界舊志云中有大窪寺今山陰有九蓮菴境最幽為郡勝地

按論語註馬融曰首陽在河東蒲坂華山之北河

曲之中莊子云伯夷叔齊西至岐陽見周武王伐

殷避之北至於首陽遂餓而死今潯源縣首陽山在岐山西北史記正義曰曹大家註幽通賦云夷齊餓死於首陽在隴西又戴延之西征記云雒陽東北首陽山有夷齊廟今在偃師縣西北皆與此不合惟說文云首陽山在遼西宋白北蕃地理志曰首陽山在平州舊志言今府城東南之場山一作陽山卽其地我

皇上御製詩序亦以說文之說爲近是誠千古之特斷也

茄子山城東三十里與昌黎縣界

畿輔志作茄子山誤

永平府志

卷之一

山川

古

銅鑛山城東南四十里或曰昔曾於此掘得銅鼓故名鼓山

石虎山城東北二十五里山勢怪異猙獰若虎又名蝎虎山近山四各莊無蝎或曰石鎮之也

按此山今俗名福君山上有崔福君廟廟碑稱寧山土人不知其名

石矸山城東北五十五里

畿輔志作石矸山

鷹嘴山東北六十里

三角山城北四十里

北安山城東北三十五里下有河常起白雲日出方散

故其山有寺名曰白雲寺

按說文云安止也土人以高平處爲安故永平以安名者甚多如五重安靜安社之類比比皆然舊志謂山形如鞍者非也

梯子山城北四十五里

峯山城北五十里

鹿尾山城北五十八里高峯四圍懸于絕谷

白蟒山城北十五里

雙子山西北二十里一名長君山孤竹長君之墓在焉

南崖下有石刻曰仰止

永平府志

卷之一

山川

十五

馬鞭山一名少君山孤竹少君墓在焉

洞山城西十八里古孤竹山孤竹城在其陰其嶠有洞

其下灤水會之或曰卽古卑耳溪崖際鑄月素風清

四字不著姓氏清風臺在其上

舊志云山麓有青蓮寺

周王山城南二十里灤水繞之

灰山城南三十里下有龍潭上有廟

瓦礫山城南三十五里

獨子山城西南三十五里會聖安之流及清涼山泉爲

橫河入於灤

清涼山城南八十里山上屬灤州有娘娘廟山麓屬盧

龍界

鳳頭山城南二里

大王山城北二十五里有虎洞深丈餘

筆架山城南十五里峯巒秀削形如筆架

常福山城北三十五里

澗子山城南十五里

近陽山城南十五里

紅山城東北四十里在雙望堡之北與撫寧縣界

阿羅卜山城東北二十五里

茶葉山城北二十里

永平府志

卷之一

山川

十六

架炮山城北十八里

人首山城南十五里砲壘萬片遠視之若亂近視縱橫
有章若人累而成爲取石者鑿崩

狼望山城西南二十里

夢山城東北六十里一云墓山相傳高麗國王墓於此

杏兒山城東北五十里

盤龍山城北五十里

桃林山城北五十里山勢參差峯巒層疊昔人於此種

桃成林故名

按桃林山在桃林營東與桃林關尙隔五十里舊

志謂山產桃因名關大謬

瞭望山城東北五十八里嶠巖峯嶺下有洞深二十丈
廣五六丈四壁五采如繪前有水頗艱涉刻曰普陀
真境

甌山在城東北六十里以象名山巔有孔周七丈許深
四十丈直洞懸峽下視青龍河如鏡

卧龍山城北二十里在燕河營西山勢蟠結儼若卧龍
石門山城東北五十五里在燕河營北兩山如壁有龍
潭

羅家山在八里坨西北

永平府志

卷之一

山川

十七

搗角山

應作
鬚角

城北五十里

盤頭山

塔盤山城南六里

行虎山城南二十里

刨錢山城東十九里

俞兒山城南四十里齊桓公伐山戎過卑耳溪見神人
焉管仲以爲俞兒或卽此也與灤州界

按國語史記皆云西伐惟管子則云征孤竹或曰
燕北一帶之山皆名太行故曰踰太行至卑耳之
谿也又按水經註則當在上谷之沮陽今延慶州

境

佛洞山城南三十五里一名窟窿山洞在絕壁下臨灤河自石龕左折半里轉龕右而出冬煖夏涼爲昌黎灤州界

赤峯山城西十五里在洞山之西

四窰山一名狼窩山在城西南二十里有寺聖水源焉
烽火山城西南五十里一名西安山安水源焉

門樓山城西南三十五里

裂坡山城西三十五里下有龍潭

棋盤山城北五十五里

永平府志

卷之一

山川

十六

按畿輔志載文峯山乃文峯塔之誤其所謂泥溝山乃泥溝莊也茲不載

孤峯城東南五里

雪峯城南十五里有寺

一柱峯城南二十里孤石直秀雄立灤河之滸

烟墩嶺城東北十里

青沙嶺城東南四里

分水嶺城西北二十里水之從西北來者其左由搗角山盤頭山入於漆右由塔盤山馬鞭山入於灤與遷安接界

孤孤嶺城南二十里

大嶺城北三十五里

小嶺城南十五里嶺南屬昌黎嶺北屬盧龍
部落嶺城東二十七里唐時居黑水部於此

獅子嶺城東北三十里

千松嶺城東三里

牛尾嶺城北四十五里

千頭嶺城南十五里臨青龍河

亭子嶺城東北二十五里

义都嶺城北三十里

永平府志

卷之一

山川

九

石花嶺城南三十里

神樹嶺城北五十五里

羈徨嶺城南十五里

佛堂峪

舊志為神堂峪

城北六十里

按峪卽谷也谷原有兩音南人呼穀切以古祿北
人呼育切以余六土人書加山為峪而音義無異
焉

鷹窩峪城北二十里有古洞

范家峪城南十五里

黑崖峪城北五十五里

桃花峪城東北十里

青石峪城東南十里

黃鷹峪在府城東南與碣石山西麓相近

正水峪城東南十二里

兵馬峪城北三十五里

梧桐峪城北六十里在燕河營之北

龜峪在府城西南

矜狗峪城北五十五里在燕河營北過峪卽遷安界

龍王巖城北五里

青龍巖城北二十五里在桃林關下城東百步許高二

永平府志

卷之一

山川

二十

里餘嵌巖如龍旁日照之其色黃映水如金

鴿子巖城北二十五里在燕河營東

石崖城西南二十三里

松崖城北五十七里有堡

鷓鷹崖城西北五十里在赤峯山前

鴿子崖城南二十五里近灰山

景封坨城東北三十五里

鐵石坨城西北十五里飲馬河西

垂屨洞城西十五里

老虎洞城東南十五里洞深丈餘

龍王坡城南五里南臺山右上有祠灤水先經其下今改而西

菊花坡城北五里

馬蘭坡城東三十里

紅坡城東十里

沙石坡城北六十七里

虎頭石城南六里若虎踞狀舊傳為漢李廣射虎處其下灤漆合流

黑石城西北十五里從地突兀而出昔人琢黑石二字於上盧龍令魏師段又鑿龍吟虎嘯南宮頰首諸大

字與遷安縣界

試劍石城北十五里燕河營城西三跳澗旁唐太宗遺跡也

龍王島在灤河中流舊有龍王祠今廢

灤水源出宣化府西一百二十里炭山東北流經雲州

堡北六十里馬營堡南二十餘里又北流經故恒州

南入舊開平衛界土人謂之商都商都即上都音訛也東南流

古北口邊外七百里與九流河及諸水合逶迤而東

入柳河柳河在遵化州北口外又有青龍河及寬河自都山西

來入之寬河見遷安都山在遷安縣北百里亦謂之烏都山又東南過潘家口

鐵門關水注之

鐵門關外分水嶺東者入長河西者入關出喜峯口而會於灤

又東入團亭寨口內地又東南經桃源莊與澈河合

澈河源正一旁二正見遷安旁曰橫水曰黑水橫水自洪山舊關嶺西從三道嶺合關北出口外孤石西入澈河黑水自龍井口外七十里喬家嶺由三臺關南入於澈河又東至中峯山與

恒河合

恒河見遷安

又東過唐山與長河合

長河見遷安

又東

至官寨與清河合

見遷安

又東過黃臺山之箕石去遷

安縣三里納要孤水

見遷安

灤河至此其勢愈大每夏

秋水盛波濤澎湃若江湖又南入盧龍縣界又西過

清節廟又南至虎頭石與漆河合

見後

又南經巖山石

橋與別故河合

見灤州

又南五十里至岳婆沙港入樂

永平府志

卷之一

山川

亭縣界東岐為二左曰胡盧河右曰淀流河至清河

口入海

詳樂亭志

按白檀之濡即肥如之濡顏師古漢書註以肥如

之濡音乃官反白檀之濡音呼鴟反世遂疑其為

二及考水經酈註甚明非有二也

漆河在盧龍縣西門外源從境外十八盤北旱落兀素

百五十里阿老各泉至蔡家谷合下二百餘里為三

岔口又二十里土人呼為烏填河入桃林關鹿尾山

諸流會之南行至峯山西至燕河營合青龍河

畿輔志云漆河即古元水也水經注元水出肥如

東北元涇西南流合盧水肥如故城在盧龍北
界桃林關元溪卽舊志所云鹿尾山諸水也盧水
卽青龍白洋二河桑欽所云盧水二渠大沮小沮
合而入元者也

青龍河又謂之涼河源出都山東南豹崖之三釜又二
十里合寺兒崖三溫泉三里入冷口關經建昌營與

白洋河會

白洋河見遷安

南入盧龍界至孤竹故城之陰中

流有石如砥柱又西至虎頭石入於灤乃盧水之小

沮也

水經註云小沮水發冷溪世謂冷池又南溫泉注之又南與大沮合爲盧

按舊志及畿輔志皆云青龍河入冷口關而遷安

永平府志

卷之一

山川

三

縣志云源出刁兒鎧西北衆山溝入桃林口經鹿
尾山不知入桃林經鹿尾者自是漆河竊意漆與
冷口皆青龍之上游迨合於盧龍界乃謂之青龍
後乃混而稱之耳至大沮舊志以陽樂水當之畿
輔志則謂係白羊河其說近是

溫河在盧龍北十二里源出部落嶺卽古溫水也一曰
肥如水西行合白溝河入漆

白溝河在盧龍縣東南十五里源出陽山過石槽繞城
東北西流入青龍河爲陽口卽古陽樂水也

石槽在城東五

里大石如槽俗名驢槽

按陽樂水初由上水關入城中行繞出下水關注
漆數經水患乃塞上關堤堰由北城外西行

淘金河在盧龍縣西南源出筆架山東北諸山谷水西
流入灤其水產金地名沙金廠

橫河源出盧龍縣獨子山合安河東西山水南入橫山
營後北沙岸下東至泡石淀經榆山後劉家莊至偏
涼汀而合於灤

涼水河漆西里許八里比下
飲馬河在長君山北料馬臺下

聖水出四窰山

永平府志

卷之一

山川

三十四

安水出烽山

谷溝泉有三湧出如瀑布併流爲煖泉河至徐流營西
南入青龍爲水田

清涼山泉爲橫河

鴿子崖泉流入青龍河

孤窰寨泉在燕河營城東西流入青龍河

石龜峪泉西流至蓮花池而絕

五里峪泉自狼家谷西流至道東而絕

白望泉自雙子山流至白砂崖青石頭而絕

杜臺西峪泉自部落嶺陽島谷合出與肥如水至壇西

而絕

黑水井在府治內有長石端刻牛首形爲其怪也久掩之

譙樓并在府治南譙樓前天將雨則氣出遇歲旱時占之頗驗舊志稱譙樓飛雨是也今湮

南臺寺井下通灤河今湮

魚井在劉家營北一里滿而不溢魚常出沒于其中

龍潭一在燕河營城北石門山兩山如壁潭介其間一在灰山皆有廟一在裂坡山歲旱禱之均甚靈應

以上盧龍縣

永平府志

卷之一

山川

五

橫山州北四里山腰有寺前有石井旦則烟霧出焉首蟠於河巨石峙湍之折爲砥後乃鑿崖取徑達盧龍紫金山州北三里山產赤石脂亦名文筆山背橫面巖襟灤帶沂危峯峭壁一邑之大觀也東麓爲偏涼汀懸崖有徑正德間所鑿下有關陡瞰灤河爲北郊保障前有深潭

榆山州北八里橫山之後宛若重屏

巖山州南五里狀如虎踞其東絕壁百仞有洞凡十有八其上三洞最大而深人莫能上下有金大定間石橋石多紅色一郡之水口也上有塔

杜家山巖西二里許

許家山

張目山俱在巖山南五六里

胡家山馬鞍山西南七里

柴家山州西南十三里

林家山

芹菜山州西南十八里遼進士馮唐卿于山前結廬種

芹自給

法寶山州東南二十八里

媳婦山州西南二十五里唐時有婦李氏隨姑採薪于

永平府志

卷之一

山川

三

此遇雨雹以身翼姑而死

磨笄山

小擺頭山

披甲山

宋家山其家三世皆出牛種以濟隣里

雙山州西十五里其下小沂入于大沂

拐頭山雙山之北正德中駕幸其巔

饅頭山

佛住山雙山西北七里

劉家山佛住山西八里

土山劉家山南十里

洞山一名吞流山在土山西五里

尖山受虛洞北五里

巍峯山尖山西七里山如展屏有寺

毛家山州西五十里兩峯對峙

萬石山毛家山南十里其南麓有鮮卑元帥墓

亭子山萬石山西北十五里其石可作碓磴

塔兒山其石青韌可爲碑碣表柱

北長山

小山州西南四里

永平府志

卷之一

山川

三

石門山馬鞍山西三里

廟山石門山西三里

止馬山廟山南三里

老坡山止馬山西北

連錄子山老坡山西

烽火山連錄子山西北八里小沂之源出焉其巔有寺

三盆院山在烽火山西南五里

清涼山翠微萬疊人跡罕至中有黃土山院寺形如屏

泉繞廊厨清泚可愛

成山

城子山

白塔山

司家山有臨水院寺

偏山州西北九十里逶迤叢茂山厚居繁

荆山州西北九十里

桃山州西北九十里

羅山桃山南三里

索樹兒山在苦地嶺南

萬子山在索樹兒山南八里

大扒頭山其石可用而快利勝于亭子山

永平府志

卷之一

山川

三六

白道子山大扒頭山西十里自麓至頂有斜白路一道

圍山州西八十里上有瀑布四五飛流會于泉河

九里長山山有石佛寺林果茂密

力楞山

逗遛山

白雲山一名自來峯州西七十里巔有大湫曰湫嶺有寺雲繞長松經時不散

鳳凰山白雲山東

佛座山鳳凰山北

大厓山佛座山西

大風山圍山西南其巔有洞內有鐵梯三折而入百步
水如河流深六尺許前通陡河風波不停淵黑莫測
洞南有頑鐵如牛半入土愈掘愈深

賈家山駱駝嶺南

唐山賈家山西孤高秀出上有姜將軍廟有煖泉數十

皂突山州西北十里

馬鞍山皂突山南

杏山州西一百里

習武山州南十里

五子山州西十二里上有五子洞龍溪之源出焉

永平府志

卷之一

山川

无

黑山州西北一百里

平臺山州西北九十里

菜山州西北九十里產蕨

小峯

抱花崖偏涼汀西北

樹兒嶺大崖山南

駱駝嶺樹兒嶺南

分水嶺其頂平分其嶧三分為盧龍遷安界

環坨嶺兔兒坨南

上五嶺州西北一百里

下五嶺州西北九十里

梯子嶺州西北九十里

省志作梯子山

羅家嶺州西北九十里

王家嶺荆山之西有洞洞有石刻篆字不可識

苦地嶺王家嶺南

孝家嶺杏山東南八里

蠶箔嶺崖山西麓

卸甲嶺送甲嶺俱蠶箔嶺西二里相傳唐太宗于此卸

甲耕者常拾鐵甲焉

香花嶺團山之麓

永平府志

卷之一

山川

三

天井嶺其巔有井天險可避兵

馬家嶺一名七哥嶺上有聖泉居其麓者多產七男

水峪湫嶺之南

王子嶺

秣軸嶺

宜安嶺羣峯萃律

抽分嶺在分水嶺北

小白嶺荆山北三里

折腰嶺

橫山嶺

泉子峪諸峯環聳午乃見日有龍泉寺瀑布
銅盆峪爲遷安界

繩索峪

蔬糧坨又名三角坨州南五十里詳古跡

雙雁坨州南二十里詳古跡

長沙坨 望馬坨 龍堂坨

古坨 木蘭坨 土坨

白沙坨 王塚坨 嶺頭坨

灰坨 紀坨 唐王坨

大沙坨 草坨 兔耳坨

永平府志 卷之一 山川 三

光水坨 茨榆坨有堡 唐子坨

沙塘坨 長春坨 大夫坨

西沙坨

按舊志云灤人以平坡而蓄水者爲坨灤邑坨名甚夥除以姓而名坨者類於村莊不具載外餘仍列之如右

受虛洞在洞山深黝莫測大雨迅驟能容數里湍

五子洞在拐頭山南一名菓子洞有四壠五峯其巔有

石塚龍溪源出而伏伏而復出昔人投糠驗之

灤河州東南五里自偏涼汀入州界南至汀流河出境

詳盧龍

清河州南二十里源出州西五子山東五里有大泉騰沸流經州南八里曰八里河又經料馬臺邱官營伏入地中俗名地橋又東南二里經閻家莊復現為龍溪亂泉突湧分為二派東派出南開頭南行一百三十里經樂亭西馬頭營達綠洋溝入海其西派由龍堂寺西南經破橋三岔口合沂河折而西南下沙溝至澤頭會古懂河又南合大田泊達公安橋又西南至蠶沙口入海

沂河即古素水也大沂河在州西十八里發源盧龍縣

永平府志

卷之一

山川

三

馬家莊經栗園折而南經三岔院折而西轉佛住山南經楊家院合董家灣又東南經芹菜山波落橋又南合蓮臺港又東南經于家泊入青河

小沂河在州西十二里發源烽火山東流經拐頭山過雙山入大沂

古懂河州南四十里源出倂城南流經石橋入清河

陷河州南五十里源出州西南于家泊至韓家泊會破

風港于倂城西又會龍堂河吳家河繩家河

龍堂河源出李

家莊流為七里港吳家河源自清河並經豐腴屯入倂城繩家河源自榆子林社遊觀莊亦會于屯西南經曲王店孫家坨至王塚港瀾漫于白沙坨南又經

胡家莊至印步旬別為周家河又西經梁魚溝南經天井達蠶沙口入海

靳家河州西八十里一名小青龍河源自游觀莊五十里西經司一司二社又南二十里合黃坨河黃坨河亦自游

觀南流至此而合又二十里經栢家莊寬頭河散流于潮河

潮河乃黑洋海口東派海水蕩瀟流延百有餘里

沙河源出遷安見遷安邑下由沙河驛至州西四十里海子崖

莊合長灣又合大水泊小水泊詳後經宜安社迤邐而

南至北柳河社入豐潤界轉東南達於海凡沙河所經民患之

陡河州西一百二十里其上源曰館水源出遷安縣館

山南經偏山又西南合黃花港入牯牛橋河又西南

至榛子鎮東龍灣河西合唐家河又西合雙橋河雙橋

在州西八十五里一自松亭社泉河頭西南一自豐潤板橋河東南入又南經

石城西為石溜河又南經唐山橋為大河又東十里

為獅子灣南經聶家莊王盼莊又西南合金溝馬家

港康家莊大夫坨而入官渠

龍灣河即黃崖河州西北九十里發源羅家嶺南三里

天渠注石槽下轉石甓又至石盆南經皂甬灣梯子

嶺至榛子鎮東五里橋合陳官營煖泉而東至紅頂

寺入牝牛河

唐家河在灤州榛子鎮西源出狼窩舖崖下東流逕冷家灣南經紅頂寺入牝牛河

王家河州西一百二十里源出曹家口社南經鄭家莊水灣寺將軍坨入官渠

官渠河在灤州西南陡河帥家河下流也至豐潤胥家莊漫入白場總達建河入于海

帥家河源出州西六十里白雲山南之水峪西南經孩兒屯官套至石城東又西南爲小河又西南與陡河合而爲官渠河

永平府志

卷之一

山川

三

橫河州北七里源出盧龍縣獨子山南逕橫山營又東至泡石淀經榆山後至偏涼汀合灤河卽古瓠溝水別故河在灤州西南其源有四一出縣西北二里廟兒山東逕栢樹莊高家坎至演武亭此正流也一自演武亭東北逕蓮花池是爲金魚泉一自菜豆灣至府君山沿河堤至巖山之岬折過岩山而下是爲玉帶河一自劉家營而東是爲五里河四水胥會于演武亭西堰而爲別故河經巖山石橋下會于灤日久故道漸湮雍正四年復舊疏通播流灌溉水利滋廣

灣昔稱綠頭灣謂泉內有綠頭物別故俗傳別溝聲之訛也

新河故道在灤州樂亭縣界夾于灤樂之間卽古新河
按水經注新河自雍奴縣承鮑邱水東出謂之鹽
關口魏太祖與洵口俱導也又東北逕右北平而
達于海陽海陽今灤州雍奴卽武清鮑邱水卽潞
河蓋新河橫亘於南北而灤潞得以交通故饋運
相接也

曾家灣河州西南一百二十里源自狗兒莊鴻鴨林港
迅流至濟民場達于潮河

白寺口河州西一百二十里源自松梁社任家莊南流
入于陡河

永平府志

卷之一

山川

三五

蠶沙口河州南一百二十里天井之別南入于海

交流河林裏河在州南東距蠶叢口二十里漁人張網
者皆聚而避風焉

長春淀州西南一百二十里長春社舊名大定淀大定
二十年更名長春

按淀在舊石城廢縣地卽今稻地集西州志謂有
長春行宮乃遼蕭太后所建鑿渠通唐溪以游觀
然考遼長春宮在南京之郊其有長春河則在遼
水之川此乃金行宮也

緩靈水漢書地理志海陽有緩靈水南入于海或曰卽

灤州沙河

大田泊在州南獨莫莊產葦蒿匿狼兔雖旱不竭流合清河

大水泊州西南七十里源出土山任郎莊流經赤堠社曰漢王渠經永豐屯爲大水泊又播爲小水泊經孫家溝入于沙河

于家泊州南五十里入于陷河

海子長灣州西四十里產菱藕魚蝦流入沙河

獅子灣州西南七十里套里莊淳泗靚碧

董家灣州西南三十里入于沂河

永平府志

卷之一

山川

三六

翟家灣州北三里

小龍灣州西十五里

老龍灣州南二十五里

沙角灣州南三十里

龍落灣州南五十五里自大港流出

劉家灣州南八十里

泉水灣州西南三里馮家坎下冬夏不竭後爲流沙所壅

七姐灣州西南八里

杏樹灣州西七十里自翟灣至此九灣皆瀦水不流者

蓮池一在州西三里金泉亭下知州潘齡引金泉注之
今廢有斷碑存焉一在州西南芹菜山下今廢一在
州西南唐山之陽一在州東南于寧社薛家莊水汎
時入于沂河一在州南崇本屯清河西一在州西南
姚家莊社會家灣西

雙溝在州西松梁社入于白寺口

破風港州南四十里達于韓家泊

王塚坨港州南三十里其水遶坨甚濶下流入于周家
河

馬家港州西南康家莊下流入于小河

永平府志

卷之一

山川

三

大港在花港社

麻灣港州南九十里獨莫城

任家港州西南司家莊

于家港州西北松梁莊

聶家港

齊家港並在州西南康家莊社

七里港在孝家莊

黃家港州西北八十里

唐王港州西南一百里以上諸港皆可資畜牧所產
蒲菱藕鱗介鳧鴨之屬甚蕃

扶蘇泉州西北十五里俗曰甘泉相傳秦太子扶蘇北
築長城曾駐于此

按郭造卿曰扶蘇乃狐蘇之訛舊志云在撫寧縣
東以遼史爲信則灤是矣

一斗泉在桃山西

煖泉一在州西北九十里卽北甸河一在州西南百里
龍灣過唐山入大河一在唐山下傳爲姜將軍斬蛟
處一在州南八里龍溪一在州西八十里圍山下俱
沍寒不冰

以上灤州

永平府志

卷之一

山川

三

